



Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", br.: 49/06 i 51/09), člana 19. Statuta Općine Novo Sarajevo ("Službene novine Kantona Sarajevo", broj: 5/20-prečišćeni tekst i 20/20-ispravka), Općinsko vijeće Novo Sarajevo, na 8. redovnoj sjednici održanoj dana 02.10. 2025. godine, *donijelo je*

**ODLUKU
O USLOVIMA, KRITERIJIMA I POSTUPKU ZA
FINANSIRANJE NABAVKE I INSTALIRANJA PUMPNIH SISTEMA NA HIDRANTSKIM
MREŽAMA U OBJEKTIMA KOLEKTIVNOG STANOVANJA NA PODRUČJU OPĆINE
NOVO SARAJEVO**

I – OPĆE ODREDBE

**Član 1.
(Predmet Odluke)**

Ovom Odlukom definiraju se uslovi, kriteriji i postupak dodjele sredstava iz Budžeta Općine Novo Sarajevo za finansiranje nabavke i instaliranja pumpnih sistema na hidrantskim mrežama u objektima kolektivnog stanovanja na području općine Novo Sarajevo.

**Član 2.
(Zakonska regulativa)**

- (1) Za realizaciju ove Odluke sve uključene strane su obavezne primjenjivati propise:
- Zakon o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10),
 - Zakon o zaštiti od požara i vatrogastva ("Službene novine Federacije BiH", broj 64/09),
 - Pravilnik o uslovima, osnovama i kriterijima za razvrstavanje građevina u kategorije ugroženosti od požara ("Službene novine Federacije BiH", broj 79/11),
 - Pravilnik o tehničkim normativima za vanjsku i unutrašnju hidrantsku mrežu za gašenje požara ("Službene novine Federacije BiH", broj 87/11).

II-FINANSIRANJE

**Član 3.
(Finansijska sredstava)**

- (1) Općina se obavezuje da za odobrene projekte na osnovu javnog poziva za finansiranje nabavke i instaliranja pumpnih sistema na hidrantskim mrežama u objektima kolektivnog stanovanja na području općine Novo Sarajevo godišnje planira budžetska sredstva u skladu sa mogućnostima i informacijama od strane Službe za civilnu zaštitu. U cilju postizanja veće transparentnosti u opisu rashodovne budžetske pozicije potrebno je posebno navesti iznos planiranih sredstava za provedbu odobrenih projekata, te eventualno planirani iznos budžetskih sredstava za provođenje novog javnog poziva.
- (2) Općina Novo Sarajevo će finansijska sredstva iz Budžeta Općine Novo Sarajevo za finansiranje nabavke i instaliranja pumpnih sistema na hidrantskim mrežama u objektima

kolektivnog stanovanja na području općine Novo Sarajevo, realizovati putem javne nabavke, a nakon provedenog javnog poziva.

III – NAČIN ODABIRA OBJEKATA ZA FINANSIRANJE

Član 4. (Kriteriji za finansiranje)

(1) Kriteriji za finansiranje nabavke i instaliranja pumpnih sistema na hidrantskim mrežama u objektima kolektivnog stanovanja na području općine Novo Sarajevo su sljedeći:

- a) Spratnost zgrade,
- b) građevine koje svojim značajem spadaju u PU1, PU2 ili PU3 prema odredbama Pravilnika o uslovima, osnovama i kriterijima za razvrstavanje građevina u kategorije ugroženosti od požara ("Službene novine Federacije BiH", broj 79/11),
- c) Stanje postojeće hidrantske mreže.

Član 5. (Javni poziv)

- (1) Finansijska sredstva iz Budžeta Općine za finansiranje nabavke i instaliranja pumpnih sistema na hidrantskim mrežama u objektima kolektivnog stanovanja na području općine Novo Sarajevo dodjeljuju se isključivo putem Javnog poziva, koji raspisuje Općinska načelnica nakon usvajanja Budžeta za tekuću godinu i donošenja Odluke o raspisivanju Javnog poziva, u skladu sa Planom rada Službe Civilne zaštite i odobrenom dinamikom utroška sredstava.
- (2) Odlukom iz stava (1) ovog člana se pokreće postupak realizacije nabavke i instaliranja pumpnih sistema na hidrantskim mrežama u objektima kolektivnog stanovanja na području općine Novo Sarajevo, kojom se utvrđuje ukupan iznos sredstava planiran u navedenu svrhu za tekuću godinu, te koja sadrži i druge podatke u skladu sa Smjernicama o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine FBiH“ broj: 37/24).
- (3) Općinska načelnica će putem Službe za civilnu zaštitu raspisati Javni poziv etažnim vlasnicima da putem upravnika apliciraju za nabavku i instaliranje pumpnih sistema na hidrantskim mrežama u objektima kolektivnog stanovanja na području općine Novo Sarajevo.
- (4) Javnim pozivom iz stava (1) ovog člana će se definisati rok za prijave.
- (5) Javni poziv se objavljuje na web stranici Općine Novo Sarajevo i oglasnoj ploči.

Član 6. (Uslovi)

Uslovi koji moraju biti ispunjeni za pravo učešća za finansiranje nabavke i instaliranja pumpnih sistema na hidrantskim mrežama u objektima kolektivnog stanovanja na području općine Novo Sarajevo, su:

- a) Da se zgrada kolektivnog stanovanja nalazi na području Općine Novo Sarajevo,

*Općina Novo Sarajevo, ulica Zmaja od Bosne br. 55, centrala telefon (387 33) 492 100
Općinsko vijeće Novo Sarajevo*

tel: (387 33) 492 268, fax: (387 33) 650 397, email: vijeca@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d



- b) Da je spratnost zgrade pet ili više spratova,
- c) Stanje postojeće hidrantske mreže (Potvrda o ispravnosti hidrantske mreže izdata od pravnog lica ovlaštenog od Ministarstva za energiju, rudarstvo i industriju FBiH).

Član 7. (Dokumentacija za prijavu na Javni poziv)

Radi učešća u Javnom pozivu za finansiranje nabavke i instaliranja pumpnih sistema na hidrantskim mrežama u objektima kolektivnog stanovanja na području općine Novo Sarajevo, Upravnik će uz prijavu predstavnika etažnih vlasnika zgrade biti dužan dostaviti:

- a) Popunjen obrazac za prijavu koji će biti sastavni dio Javnog poziva,
- b) Evidencija Upravitelja zgrade o broju stambenih jedinica etažnih vlasnika/stanara zgrade,
- c) Potvrda o ispravnosti hidrantske mreže izdata od pravnog lica ovlaštenog od Ministarstva za energiju, rudarstvo i industriju FBiH.

Član 8. (Kriteriji)

- (1) Odabir zgrada za finansiranje nabavke i instaliranja pumpnih sistema na hidrantskim mrežama u objektima kolektivnog stanovanja na području općine Novo Sarajevo, vrši se sa utvrđene Rang liste. Zgrada sa najviše bodova bit će prva na Rang listi, a zgrada sa najmanje bodova bit će zadnja na Rang listi. Kriteriji za bodovanje na osnovu kojeg se vrši rangiranje na Rang listi su:
 - a) Kriteriji za spratnost:
 - zgrada od 5-8 spratova - 1 bod,
 - zgrada od 9-12 spratova - 2 boda,
 - zgrada od 13-16 spratova - 3 boda,
 - zgrada od 17 i više spratova - 4 boda.
 - b) Ukupan broj stanova u zgradi boduje se na način:
 - zgrada sa manje od 10 stanova - 1 bod,
 - zgrada od 11 - 50 stanova - 2 boda,
 - zgrada od 51-100 stanova - 3 boda,
 - zgrada od 101 do 150 stanova - 4 boda,
 - zgrada preko 151 stanova i više- 5 bodova.
 - c) Stanje postojeće hidrantske opreme prema kriterijima:
 - Potvrda o ispravnosti hidrantske mreže izdata od pravnog lica ovlaštenog od Ministarstva za energiju, rudarstvo i industriju FBiH, da može osigurati ispravno funkcionisanje pumpe za hidrantsku mrežu.

U slučaju da jedan ili više aplikanta ostvare isti broj bodova na Rang listi, tokom evaluacije prijava, prednost će imati onaj aplikant, čija je prijava ranije zaprimljena. Redoslijed prijava utvrđuje se na osnovu tačnog datuma i vremena prijema prijave, pristiglih bilo putem pošte ili putem protokola Općine.

Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo

tel: (387 33) 492 268, fax: (387 33) 650 397, email: vijece@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d



Član 9.
(Postupak dodjele sredstava)

- (1) Općinska načelnica prije raspisivanja Javnog poziva iz člana 5. ove Odluke, imenuje Komisiju za postupanje po aplikacijama na Javni poziv za finansiranje nabavke i instaliranja pumpnih sistema na hidrantskim mrežama u objektima kolektivnog stanovanja na području općine Novo Sarajevo (u daljem tekstu: Komisija).
- (2) Komisija će biti imenovana u skladu sa Javnim pozivom, kojim će biti definisan rok za prijave na isti. Komisija broji 3 (tri) člana, od kojih je jedan predsjednik Komisije, a čine je državni službenici Općine Novo Sarajevo.
- (3) Komisija ima zadatak da shodno trajanju Javnog poziva, napravi presjek svih pristiglih prijava i postupi po aplikacijama na javni poziv, tako da:
 - a) pregleda pristigle prijave po Javnom pozivu i utvrdi potpunost istih,
 - b) pregleda da li su ispunjeni svi traženi uslovi iz člana 6. ove Odluke,
 - c) izvrši bodovanje i sačinjava Rang liste na osnovu kriterija za bodovanje iz člana 8. ove Odluke.
- (4) Prilikom sačinjavanja Rang liste, Komisija može izvršiti obilazak predmetnog objekta.
- (5) Nepotpune prijave neće se uzimati u razmatranje.
- (6) Rang liste se dostavljaju Općinskoj Načelnici, nakon čega će Načelnica donijeti Zaključak o pokretanju postupka realizacije nabavke i instaliranja pumpnih sistema na hidrantskim mrežama u objektima kolektivnog stanovanja na području općine Novo Sarajevo,
- (7) O rezultatima prijave na Javni poziv kandidati će biti obaviješteni pismenim putem, putem oglasne ploče i web stranice Općine Novo Sarajevo.
- (8) Rok za podnošenje prigovora je 8 (osam) dana od dana objavljivanja rezultata Javnog poziva na oglasnoj ploči i web stranici Općine. Prigovor se podnosi Komisiji za rad po prigovorima koju imenuje Općinska načelnica, a koja vrši razmatranje prigovora.
- (9) Komisija za rad po prigovorima dostavlja izvještaj Općinskoj načelnici.

IV – REALIZACIJA

Član 10.
(Obaveze etažnih vlasnika)

- (1) Po donošenju Zaključka iz člana 9. ove Odluke, Služba za civilnu zaštitu pokreće proceduru Javne nabavke za nabavku i instaliranje pumpnih sistema na hidrantskim mrežama u objektima kolektivnog stanovanja na području općine Novo Sarajevo.
- (2) Nakon instaliranja pumpnih sistema na hidrantskim mrežama u objektima kolektivnog stanovanja na području općine Novo Sarajevo, iste će postati vlasništvo objekata kolektivnog stanovanja, a što će se definisati posebnim Ugovorom.
- (3) Etažni vlasnici koji ispune sve uslove dužni su sa Upravnikom obezbijediti mjesto za ugradnju pumpe i priključak električne energije.

*Općina Novo Sarajevo, ulica Zmaja od Bosne br. 55, centrala telefon (387 33) 492 100
Općinsko vijeće Novo Sarajevo*

*tel: (387 33) 492 268, fax: (387 33) 650 397, email: vijece@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000
Depozitni račun 1411965320011288 Bosna Bank International d.d*



(4) Općina Novo Sarajevo će imenovati koordinatora za praćenje realizacije Ugovora.

**Član 11.
(Plaćanje)**

- (1) Nakon realizacije Ugovora od strane izabranog ponuđača, Izvještaja koordinatora i puštanja u rad pumpi, te dostavljene fakture izvršit će se plaćanje iste.
- (2) Rokovi plaćanja će biti definisani Ugovorom sa izabranim ponuđačem.

**Član 12.
(Praćenje dodijeljenih finansijskih sredstava)**

- (1) Za realizaciju ove Odluke zadužuje se Služba za civilnu zaštitu i Služba za privredu, budžet i finansije, svaka u okviru svoje nadležnosti.
- (2) Izvještaj o praćenju realizacije i utroška finansijskih sredstava dostavit će se Općinskoj načelnici po okončanju kompletnog postupka.
- (3) Izvještaj o praćenju realizacije i utroška finansijskih sredstava se dostavlja Općinskom vijeću u februaru za prethodnu godinu, u kojem će biti detaljno navedeni rezultati utroška finansijskih sredstava.

V PRELAZNE I ZAVRŠNE ODREDBE

**Član 13.
(Stavljanje van snage)**

Ovom Odlukom stavlja se van snage Odluka o kriterijima za subvencioniranje nabavke aparata za gašenje početnih požara i obnovu hidrantske mreže na području općine Novo Sarajevo, akt broj: 01-14-1488/15 od 25.06.2015. godine.

**Član 14.
(Stupanje Odluke na snagu)**

Ova Odluka stupa na snagu narednog dana od dana objavljivanja u „Službenim novinama Kantona Sarajevo“.

Broj: 02OV-01-1-9406/25
Sarajevo, 02.10.2025.godine

PREDSJEDAVAJUĆI
Općinskog vijeća Novo Sarajevo
Mr. sci. Edison Pavlović

